


Sarajevo, 17.06.2019.godine

Klub zastupnika u Predstavničkom domu  
Parlamenta Federacije BiH  
Zastupnik Irfan Čengić

ZA:  
BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
PREDSTAVNIČKI DOM  
n/r Predsjedavajućeg PD Parlamenta FBiH



U skladu sa članom **163. Poslovnika** o radu Predstavničkog doma Parlamenta Federacije Bosne i Hercegovine, u redovnoj parlamentarnoj proceduri podnosim:

**Nacrt**  
**Zakona o finansiranju sportskih reprezentacija.**

Molim vas da tekst Nacrta zakona uputite Vladi Federacije BiH radi dostavljanja mišljenja u poslovničkom roku od 30 dana.

U prilogu Vam dostavljam tekst Nacrta zakona

S poštovanjem,

Irfan Čengić, zastupnik



BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
PREDSTAVNIČKI DOM  
KLUB ZASTUPNIKA SDP BIH  
ZASTUPNIK IRFAN ČENGIĆ

(NACRT)

ZAKON  
O FINANSIRANJU SPORTSKIH REPREZENTACIJA.

Sarajevo, juni 2019.godine

**ZAKON  
O FINANSIRANJU SPORTSKIH REPREZENTACIJA.**

**I- OPĆE ODREDBE**

**Član 1.  
(Opće odredbe)**

Ovim zakonom uređuju se finansiranje sportskih reprezentacija Bosne i Hercegovine iz budžeta Federacije Bosne i Hercegovine, javnih preduzeća i ustanova u vlasništvu Federacije Bosne i Hercegovine, daju se smjernice za finansiranje sportskih reprezentacija Bosne i Hercegovine iz budžeta kantona i jedinica lokalne samouprave u Federaciji Bosne i Hercegovine.

**Član 2.  
(Javni interes)**

(1) Zakonom o sportu Bosne i Hercegovine sport je definisan kao javni interes

(2) Ovim Zakonom se finansiranje sportskih reprezentacija države Bosne i Hercegovine proglašava javnim interesom za Federaciju Bosne i Hercegovine

**Član 3.  
(Definicija sportskih reprezentacija Bosne i Hercegovine)**

(1) Ovim zakonom se pod pojmom „Sportska reprezentacija Bosne i Hercegovine“ smatraju seniorske takmičarske ekipe sljedećih sportskih saveza koji spadaju u olimpijske sportove:

- a) Atletski savez BiH
- b) Badminton savez BiH
- c) Bob savez BiH
- d) Bokserski savez BiH
- e) Fudbalski savez BiH
- f) Skeleton savez BiH
- g) Gimnastički savez BiH
- h) Hrvачki savez BiH
- i) Judo savez BiH
- j) Kajakaški savez BiH
- k) Košarkaški savez BiH
- l) Odbojkaški savez BiH
- m) Plivački savez BiH
- n) Ragbi savez BiH
- o) Savez konjičkih organizacija BiH
- p) Rukometni savez BiH
- r) Sankaški savez BiH
- s) Savez dizača tegova BiH

- t) Hokejaški savez BiH
- u) Savez klizačkih sportova BiH
- v) Skijaški savez BiH
- z) Stonoteniski savez BiH
- aa) Streljački savez BiH
- ab) Teniski savez BiH
- ac) Triatlon asocijacija BiH
- ad) Vaterpolo savez BiH
- ae) Veslaški savez BiH
- af) Golf savez BiH
- ag) Tekwondo savez BiH

(2) Seniorske reprezentacije Saveza specijalne olimpijade BiH se također smatraju „Sportskom reprezentacijom Bosne i Hercegovine“

(3) Odredbe ovog zakona koje se odnose na sportske reprezentacije Bosne i Hercegovine jednako se primjenjuju i na Olimpijski komitet Bosne i Hercegovine.

(4) Definicija sportskog saveza je propisana Zakonom o sportu Bosne i Hercegovine

## **II- FINANSIRANJE SPORTSKIH REPREZENTACIJA BOSNE I HERCEGOVINE**

### **Član 4.**

#### **(Izdvajanje sredstava iz budžeta FBiH)**

(1) U Budžetu Federacije Bosne i Hercegovine će biti osigurana sredstva za finansiranje sportskih reprezentacija Bosne i Hercegovine u skladu sa ovim zakonom.

(2) Najmanje 0,5% Budžeta Federacije Bosne i Hercegovine će se izdvajati za finansiranje sportskih reprezentacija Bosne i Hercegovine u skladu sa ovim zakonom

### **Član 5.**

#### **(Pravilnik o raspodjeli sredstava)**

(1) Ministarstvo kulture i sporta Federacije Bosne i Hercegovine će donijeti Pravilnik o raspodjeli sredstava iz člana 4. ovog Zakona između sportskih saveza koji imaju to pravo u skladu sa ovim zakonom.

(2) Pravilnikom o raspodjeli sredstava će biti regulisano:

- a) način objavljivanja javnog poziva za finansiranje reprezentacija
- b) kriteriji za raspodjelu finansijskih sredstava između pojedinih saveza
- c) vrste namjene utroška sredstava dobijenih na osnovu ovog Zakona
- d) finansijsko pravdanje o utrošku sredstava
- e) narativno izvještavanje o radu saveza.

f) sva druga pitanja koja nisu regulisana zakonima a koja je nužno propisati u svrhu finansiranja sportskih reprezentacija i implementacije ovog Zakona.

**Član 6.**  
**(Maksimalni iznos sredstava)**

(1) Sredstva koja se izdvajaju za sportski savez na osnovu ovog zakona mogu biti u iznosu najviše do 50% ukupnog prihodovnog budžeta tog sportskog saveza u prethodnoj kalendarskoj godini.

(2) Jedan sportski savez može dobiti najviše do 20% sredstava od ukupnog iznosa sredstava koji je planiran u budžetu za realizaciju ovog zakona.

**Član 7.**  
**(Finansiranje od strane javnih preduzeća i ustanova)**

(1) Javna preduzeća u vlasništvu Federacije Bosne i Hercegovine mogu izdvajati finansijska sredstva za podršku sportskim reprezentacijama Bosne i Hercegovine, kao i osigurati materijalno-tehnička sredstva ili uslove za potrebe sportskih reprezentacija BiH.

(2) Javne ustanove čiji je osnivač Federacija Bosne i Hercegovine mogu izdvajati finansijska sredstva za podršku sportskim reprezentacijama Bosne i Hercegovine, kao i osigurati materijalno-tehnička sredstva ili uslove za potrebe sportskih reprezentacija BiH.

**Član 8.**  
**(Finansiranje od strane kantonalnih vlasti)**

(1) Kantoni mogu u skladu sa ovim zakonom i vlastitim mogućnostima finansirati sportske reprezentacije Bosne i Hercegovine.

(2) Kantoni mogu donijeti vlastite propise kojim će regulisati finansiranje reprezentacija sa tog nivoa vlasti.

(3) Odredbe zakona koje se odnose na finansiranje sportskih reprezentacija od strane javnih preduzeća i ustanova u vlasništvu FBiH jednako se odnose i na javna preduzeća i ustanove u vlasništvu kantona.

**Član 9.**  
**(Finansiranje od strane jedinica lokalne samouprave)**

(1) Jedinice lokalne samouprave mogu u skladu sa ovim zakonom i vlastitim mogućnostima finansirati sportske reprezentacije Bosne i Hercegovine.

(2) Odredbe zakona koje se odnose na finansiranje sportskih reprezentacija od strane javnih preduzeća i ustanova u vlasništvu FBiH jednako se odnose i na javna preduzeća i ustanove u vlasništvu jedinica lokalne samouprave

### **III- PRELAZNE I ZAVRŠNE ODREDBE**

#### **Član 10. (Početak primjene)**

Izdvajanje finansijskih sredstava za sportske reprezentacije u skladu sa ovim zakonom će početi od 01.01.2020. godine.

#### **Član 11. (Donošenje podzakonskih akata)**

U roku od 30 dana o dana stupanja na snagu ovog Zakona Ministar kulture i sporta FBiH će donijeti Pravilnik o raspodjeli sredstava iz člana 5. ovog Zakona.

#### **Član 12. (Spolna ravnopravnost)**

Ovim Zakonom i podzakonskim aktima se jednako tretiraju muške, ženske, i mješovite sportske reprezentacije Bosne i Hercegovine u skladu sa pravilima sportskih saveza i međunarodnih asocijacija u kojima se natječu.

#### **Član 13. (Stupanje na snagu)**

Ovaj zakon stupa na snagu osmog dana od dana objavljivanja u „Službenim novinama Federacije Bosne i Hercegovine“.

## **OBRAZLOŽENJE ZAKON O FINANSIRANJU SPORTSKIH REPREZENTACIJA.**

### **I. USTAVNI OSNOV**

Ustavni osnov za donošenje ovog zakona sadržan je u dijelu Poglavlju IV A. 5. 20. (1) d) kojim je propisano da je Parlament Federacije Bosne i Hercegovine nadležan za donošenje zakona o vršenju funkcija federalne vlasti i u članu 20. Zakona o sportu Bosne i Hercegovine ("Službeni glasnik BiH" broj 27/08, 102/09 66/16)

### **II. RAZLOZI ZA DONOŠENJE**

Zakonom o sportu Bosne i Hercegovine ("Službeni glasnik BiH" broj 27/08, 102/09 66/16) sport u Bosni i Hercegovini je proglašen kao javni interes.

Javni interes i ciljevi Bosne i Hercegovine u sportu su:

- a) razvijanje svijesti građana, posebno mladih i lica s invaliditetom o sportu i njegovim vrijednostima,
- b) doprinos vaspitanju, obrazovanju i razvoju djece i omladine,
- c) podsticanje i afirmiranje sporta i njegovih vrijednosti kao dijela kulture i ukupnih materijalnih i duhovnih vrijednosti društva,
- d) očuvanje zdravlja kao osnove svake ljudske aktivnosti, radne produktivnosti, izražavanje stvaralaštva i humanog življenja,
- e) podsticanje sistematskog i organiziranog bavljenja sportom u slobodnom vremenu,
- f) prezentacija vrhunskog sportskog stvaralaštva na svim nivoima,
- g) sistemsko stvaranje uvjeta za ostvarivanje vrhunskih sportskih rezultata,
- h) organizacija sistema takmičenja u skladu s pravilima međunarodnih sportskih federacija.

Upravo zbog same činjenice da je sport javni interes u Bosni i Hercegovinu te da su naše sportske reprezentacije odlični ambasadori naše domovine, te uzimajući u obzir činjenicu da je budžet Države Bosne i Hercegovine veoma ograničen smatram da entitet FBiH treba pomoći u finansiranju javnog interesa odnosno naših sportskih reprezentacija.

### **III. OBRAZLOŽENJE PRAVNIH RJEŠENJA**

#### **Poglavljem I**

Određuju se opće odredbe ovog zakona, te se naglašava da je sport od javnog interesa u skladu sa Zakonom o sportu Bosne i Hercegovine te se proglašava javnim interesom finansiranje državnih sportskih reprezentacija.

Također se u ovom poglavlju daje definicija sportske reprezentacije Bosne i Hercegovine i koji sportski savezi olimpijskih i paraolimpijskih sportova mogu biti finansirani na osnovu ovog zakona.

## **Poglavljem II**

U ovom poglavlju zakona se propisuje minimum finansijskih sredstava koja će biti izdvojena za realizaciju ovog zakona su 0,5% ukupnog budžeta Federacije Bosne i Hercegovine.

Propisuje se obaveza donošenja Pravilnika o raspodjeli sredstava koja se dodjeljuju sportskim reprezentacijama Bosne i Hercegovine na osnovu ovog zakona koji će do detalja propisati način implementacije ovog zakona u odnosu između Vlade FBiH i sportskih saveza.

Razlog zbog kojeg se ovim zakonom daje mogućnost da se veći broj rešenja reguliše podzakonskim aktima a ne zakonom leži u dinamici kojom se razvija sport ali i u samim potrebama sportskih saveza u zavisnosti od takmičarske godine, te je mnogo lakše otklanjati uočene nedostatke u podzakonskom aktu a ne zakonu.

Ovim poglavljem se propisuje i maksimalni iznos koji može dobiti jedan sportski savez u odnosu na budžet koji ostvaruje samostalno. Tako savezi neće moći dobiti više od 50% vlastitog budžeta na osnovu ovog zakona.

Također niti jedan sportski savez ne može dobiti više od 20% ukupnih sredstava koliko je te godine planirano za sportske saveze i reprezentacije.

Zakonom se daje mogućnost preduzećima i ustanovama da finansiraju sportske saveze u skladu sa svojim mogućnostima, također da omoguće materijalno tehničke uslove za sportsku reprezentaciju kao što je korištenje sportskih dvorana za potrebe reprezentacije.

Također u ovom poglavlju se govori o pravima kantona i lokalne samouprave u FBiH da finansiraju sportske reprezentacije Bosne i Hercegovine u skladu sa vlastitim mogućnostima.

## **Poglavljem III**

Propisan je rok od 30 dana u kojem ministar Kulture i sporta mora donijeti pravilnik o raspodjeli sredstava između saveza u skladu sa ovim zakonom.

Također se definiše da će se sredstva za realizaciju ovog zakona početi izdvajati 2020.godine

## **IV. FINANSIJSKA SREDSTVA**

Za provođenje ovog Zakona su potrebna dodatna finansijska sredstva iz budžeta Federacije Bosne i Hercegovine.

Sredstva je potrebno osigurati u Budžetu Federacije Bosne i Hercegovine za 2020.godinu na stavci grantova neprofitnim organizacijama na poziciji Ministarstva kulture i psorta Federacije Bosne i Hercegovine.



Pretpostavka na osnovu Budžeta FBiH za 2019.godinu je da će potrebna sredstva za provedbu ovog zakona iznositi 13.250.000,00KM.